

Na osnovu člana 16. stav 3. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 3. stav (4), i člana 4. stav (1), člana 7. i člana 10. Uredbe o načinu, uslovima osnivanja i utvrđivanja visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21), na prijedlog Ministarstva za poljoprivredu, šumarstvo i vodoprivredu i Ministarstva za privredu, Vlada Zeničko-dobojskog kantona, na 25. sjednici, održanoj dana 30.04.2024. godine, donosi

RJEŠENJE
o imenovanju Radne grupe za izradu
Zakona o koncesijama Zeničko-dobojskog kantona

Član 1.
(Članovi Radne grupe)

U Radnu grupu za izradu Zakona o koncesijama Zeničko-dobojskog kantona (u daljem tekstu: Radna grupa), imenuju se:

1. Vanja Udiljak, Ministarstvo za privredu,
2. Selima Bašić, Ministarstvo za privredu,
3. Samra Članjak, Ministarstvo za poljoprivredu, šumarstvo i vodoprivredu,
4. Aida Sumbuljević, Ministarstvo za prostorno uređenje, promet i komunikaciju i zaštitu okoline,
5. Sežad Kliko, Kantonalno pravobranilaštvo.

Član 2.
(Zadatak Radne grupe)

- (1) Zadatak Radne grupe iz člana 1. ovog rješenja je da do 01.09.2024. godine pripremi tekst novog Zakona o koncesijama Zeničko-dobojskog kantona usklađen sa federalnim Zakonom o koncesijama („Službene novine Federacije BiH“, broj: 40/02 i 61/06), te da o svom radu premijeru Zeničko-dobojskog kantona dostavi Izvještaj o završenom poslu (sa zapisnicima o održanim sjednicama).
- (2) Nakon što Radna grupa iz člana 1. ovog Rješenja završi zadatak iz stava (1) ovog člana, Ministarstvo za poljoprivredu, šumarstvo i vodoprivredu, Ministarstvo za privredu i Ministarstvo za prostorno uređenje, promet i komunikaciju i zaštitu okoline će uputiti nadležnim organima tekst novog Zakona o koncesijama Zeničko-dobojskog kantona radi pribavljanja mišljenja, a nakon toga ga uputiti Vladi i Skupštini Zeničko-dobojskog kantona na usvajanje.

Član 3.
(Naknada za rad)

- (1) Članovima Radne grupe, utvrđuje se pravo na naknadu za rad u Radnoj grupi, u neto iznosu od 100,00 KM mjesečno, pod uslovom da u toku mjeseca bude održana najmanje jedna sjednica Radne grupe i da su zadatak iz člana 2. ovog rješenja obavljali izvan redovnog radnog vremena.
- (2) Pravo na naknadu imaju samo članovi Radne grupe koji su prisustvovali sjednicama.
- (3) Zahtjev za isplatu naknade, uz prethodnu saglasnost premijera Zeničko-dobojskog kantona, podnosi se Ministarstvu finansija, zajedno sa zapisnikom sa održanih sjednica.
- (4) Sredstva za rad Radne grupe isplatit će se iz Budžeta Zeničko-dobojskog kantona sa razdjela 18 – Ministarstvo za privredu, budžetska organizacija 01, potrošačka jedinica 0001, ekonomski kod 613900, pozicija „Izdaci za Komisije, zastupnike i druge samostalne djelatnosti“, na račune imenovanih navedene u zahtjevu za isplatu po

završenoj zadaći u skladu sa odredbama iz člana 10. stav (5) Uredbe.

Član 4.

(Stupanje na snagu i objava)

Rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-30-8462/24

Datum, 30.04.2024. godine

Zenica

PREMIJER
po ovlaštenju

Dženana Čišija

DOSTAVLJENO:

1 x Ministarstvo za poljoprivredu, šumarstvo i vodoprivredu,

1 x Ministarstvo za privredu,

1 x Imenovanim, putem Ministarstva za privredu,

1 x “Službene novine Zeničko-dobojskog kantona”

1 x a/a.